

Efendić: Očekujemo dobru igru protiv Zrinjskog i prolaz dalje,  
izostaju Kojić, Badji, Kulović i Maksimović



Nogometaši Tuzla Cityja igraju danas u Mostaru protiv Zrinjskog susret četvrtinala Kupa BiH.



Samir Efendić vjeruje u prolaz u polufinale Kupa BiH (Foto: Miro Petrović)

U ovoj fazi takmičenja igra se samo jedna utakmica, a u taboru ekipe iz Simin Hana vlada optimistična atmosfera bez obzira što im je protivnik ekipa bivšeg prvaka BiH.

– Očekuje nas veoma zahtjevna utakmica protiv možda najbolje ekipe u našem prvenstvu. Pripremili smo se za susret i očekujem dobru igru i, naravno, prolaz dalje – izjavio je za Fenu kapiten Tuzla Cityja, Samir Efendić.

Zbog bolesti u ekipi ponovo neće biti Jove Kojića, te Badar Badjija, koji je isključen protiv Sarajeva.

Šef stručnog štaba Elvir Baljić ne može računati ni na Dejana Maksimovića i Vedina Kulovića, koji su u kup takmičenju ove sezone već nastupali za Radnik iz Bijeljine, odnosno, GOŠK iz Gabele.

-Svi ostali igrači su na raspolaganju i vjerujem da ćemo imati dobar sastav da se suprostavimo Zrinjskom – zaključio je Efendić.

Utakmica Zrinjski – Tuzla City igra se na stadionu pod Bijelim Brijegom u Mostaru od 16.30 sati. (mp, Fena, tl)

60

SHARES

[Share on Facebook](#)

[Tweet](#)

[Follow us](#)

[Share](#)

[Share](#)

[Share](#)

[Share](#)

[Share](#)

Date: 04-03-2020